

許  
渾

趙  
嘏

丁卯詩集卷下目錄

鄧州刺史 許 渾 用晦

近體詩

五言律詩一百九十四首

贈蕭鍊師

冬日贈元孚上人

維舟過李給事宅

蒜山津觀發軍

送從兄歸蜀川

阻風登延祚閣

送林處士抵兩川

宣城贈蕭兵曹

秋夕宴李侍御宅

晨至龍興寺

題峽山寺

四首

南海使院對菊

和李相國

陪少師李相國

泛五雲溪

王居士

早秋

三首

洛東蘭若夜歸

送段覺歸杜曲

寄天香寺仲儀上人

寄契盈上人

晨起

二首

寄崔韓二先輩

盈上人

廣陵道中

宿開元寺樓

洞靈觀冬青

友人歸江東

送同年崔先輩

山鷄

孤鴈

寓懷

洛中游眺貽同志

夏日題郭別駕

長安旅夜

鵝鵝

懿安皇太后挽詞

示弟

送湯處士卜居

發靈溪館

題杜居士

神女祠

送李定言南遊

別契直上人

題潼關驛後軒

呈裴明府

灊東題司馬郊園

宿石屏村謝叟家

從兄歸隱藍溪

思歸

晚泊七里灘

寄題商洛王隱居

晨裝

一本作浴中

題韋隱居西齋

送李暝秀才西行

馬鎮西故第

重遊鬱林寺

泛溪

送樓煩李別駕

聞兩河用兵

獻白尹

茅山贈梁尊師

寄薛先輩

送韋明府南遊

看雪

江上燕別

贈僧

趨慈和寺移宴

留贈偃師主人

送南陵李少府

別韋處士

九日登樟亭驛樓

傷朱餘慶先輩

當作朱  
慶餘

送張崔二侍御

江樓夜別

送惟素上人

雲上宴別

下第別楊至之

尋戴處士

放猿

將離郊園留示弟姪

夜歸丁卯橋村舍

題青山館

秋日衆哲館對竹

春日題韋曲村舍

二首

崇聖寺別楊至之

途經李翰林墓

嚴陵釣臺貽行侶

南樓春望

送無夢道人

閒居孟夏即事

題灞西駱隱士

溪亭

二首

題潼關驛樓

吳門送客早發

送大昱禪師

旅懷

南亭與首公讌集

早發壽安

泊松江渡

送魚思別處士歸

重經姑蘇懷古

二首

題孫處士山居

二首

寓居崇聖寺感事

晚發天井關

喜遠書

懷江南同志

洛中秋日

蒜山津送客

潼關蘭若

玩雪寄劉大夫

陪越中使院諸公

春泊弋陽

晨別脩然上人

送客江行

宿鬱林道玄院

二首

題元處士幽居

送李秀才

題倪處士舊居

贈梁將軍

春望思舊遊

病中 二首

寄汝洛友人

恩德寺

天竺寺題葛洪井

朗上人院晨坐

送客歸湘楚

過故友舊居

送客歸峽中

題冲沼上人院

和畢員外見寄

春醉

題岫上人院

送客南歸有懷

李生棄官入道

長興里南隣避暑

送韓校書

秋晚登城

酬和鄭常侍

酬和張公喜雪

下第送宋秀才

南亭偶遇

裴秀才自越歸

太和初靖恭里感事

與侯春時夜話

送薛明府赴任

遊果畫二僧院

題官舍

酬報先上人

戲呈李明府

泛舟鬱林寺遇雨

鬱林寺

題崇聖寺

贈高處士

送僧歸金山寺

金谷桃花

憶長洲

再寄殷堯藩

題鄒處士隱居

送僧歸敬亭山

寄袁校書

天街曉望

喜洛中親友至

寄劉三復

送客歸吳興

月夜期友人不至

白馬寺不出院僧

寄袁都校書

贈柳馮二校書

王秀才見訪不遇

秋霽潼關驛亭

送客歸蘭溪

貽終南山隱者

送李文明覲兄

送段覺歸東陽

韶州送竇司直出嶺

傷馮秀才

送鄭寂上人南行

贈王處士

送友人歸荆楚

五言絕句五首

長安早春

塞下

思天台

聞歌

雨後憶湖山居

散體詩一首

寄彬州李相公

丁卯詩集卷下目錄

唐詩百名家全集

丁卯集下目

四  
掃葉山房藏板

丁卯詩集卷下

郢州刺史 許渾 用晦

近體詩

五言律詩一百九十四首

贈蕭鍊師

并序宋本闕

鍊師貞元初自梨園選為內妓善舞柘枝宮中莫有倫比者寵錫甚厚及駕幸奉天以病不獲隨輦遂失  
所止洎復宮闕上頗懷其義一作藝求之浹日得於人間後聞神仙之事謂長生可致乞奉黃老上許之詔  
居嵩南洞清觀迨今八十餘矣雪膚花顏與昔無異則知龜鶴之壽安得不由所尚哉因賦此詩題於院  
壁

曾試昭陽曲瑤齋帝自臨紅珠絡繡帽翠鈿束羅衫雙闕朝塵起千門宿露陰出宮迷國步回駕軫皇心

桂殿春空晚椒房夜自深急宣求故劍冥契得遺簪暗記神仙傳潛封玉女一作女史箴壺中知日永掌上畏

年侵莫比班家扇寧同卓氏琴雲車辭鳳輦羽帔別鴛衾網斷魚遊藻龍開鶴戲林洛煙浮碧漢嵩月上

丹岑露一作霧

一作草

爭三秀風篁共八音吹笙延鶴舞敲磬引龍吟旄節纖腰舉霞杯皓腕斟還磨照寶鏡猶

挿辟寒金東海人情變南山聖壽況朱顏常似渥綠髮已如尋養氣齊生死留形盡古今更求應不見鷄

犬日駸駸

冬日宣城開元寺贈元孚上人

一鉢事南宗僧儀稱病客曹溪花裏別蕭寺竹前逢燭影深寒殿經霜徹曙鐘欲齋簷睡一作鵲宋本初

定壁吟蛩詩繼休遺韻書傳永逸蹤藝多人譽洽機宋本絕道情濃汲澗瓶沉藻眠塔錫掛松雲鳴新放

鶴池卧舊降龍露茗山厨焙霜杭野碓春梵文明處譯禪衲暖時縫層塔題應徧飛軒步不情繡梁交辟

荔畫井倒芙蓉翠戶垂旗網朱窗列劍鋒寒風金磬遠晴雪玉樓重妙理三乘達清才萬象供山高橫睥

睨灘淺聚朦朧微霧宋本蒼平楚殘暉淡遠峯林疎霜撼撼波靜月溶溶劍出因雷換琴全宋本遇蔡邕

西方知宋本有社支許合相從

維舟秦淮過温州李給事宅

給事為郎日青溪醉隱銜氷池通極浦雪徑遶高巖珠玉砂同奔宋本松筠草宋本共芟帝國憂一失

臣節恥三緘代有王陵薏時無靳尚讒定應操直筆宣為發空函霧黑連雲棧風狂截海帆石梯迎雨潤

沙井帶潮鹹蠟展青筇杖藍輦白罽衫應勞北歸夢山路正巉巖

蒜山津一作登蒜山觀發軍

羽檄徵兵急轅門選將雄犬羊憂破竹貔虎宋本極飛蓬定繫宋本一猖狂虜何煩矍鑠翁更探黃石

作谷略重振黑山功別馬嘶營柳驚鳥散井桐低星連寶劍殘月讓雕弓浪曉戈鉞裏山晴鼓角中甲開

魚照水旗颺虎拳風去想金河遠行間一作玉塞空漢廷應有問師律在元戎

送從兄別駕歸蜀川并序宋本

從兄彥昭與桂陽令章伯達貞元中俱為千牛伯達官至王府長史長慶中非罪受譴前年會赦復故秩

詔未及而已歿從兄自蜀而南發旅櫬歸葬塗上既而西還因成十韻贈別

聞與湘南令童年待玉墀家留秦塞曲官謫瘴溪湄道直姦臣屏寃深聖主知逝川東去疾需澤北來遲

青漢龍髯絕蒼岑

一作山

馬鬣移

一作悲

風淒聞笛處月慘罷琴時客路黃公廟鄉關白帝祠已稱鸛鵲賦寧

誦脊令詩遠道書難達長亭酒莫持

一作重連

當憑蜀江水萬里相思

### 金陵阻風登延祚閣

極目皆陳迹振圖問遠公戈鉞三國後冠蓋六朝中葛蔓交殘壘芒

或作芒

花沒後

宋本一作廢

宮水流簫鼓絕山

在綺羅空極浦千艘聚高臺一徑通雲移

宋本一作吳

岫雨潮轉楚江風登閣慙漂梗停舟憶斷蓬歸期與歸

路杉桂海門東

### 送林處士自閩中道越由雲抵兩川

書劍少青眼烟

宋本作風

波初白頭鄉關背黎嶺客路轉蘋洲處困道難固乘時思易酬鏡中非訪戴劍外欲

依劉高枕海天暝落帆江雨秋鼉聲應遠鼓蜃氣學危樓智士

宋本作者

役千慮達人經

一作輕

百憂惟聞陶靖

節多在醉鄉遊

### 宣城贈蕭兵曹

桂檝謫湘渚三年波上春舟寒剡溪雪衣破洛城塵客道恥搖尾皇恩寬犯鱗花時去國遠月夕上樓頻  
貪酒不辭病傭書非為貧行吟值漁父生隱對樵人紫陌罷雙轍碧潭窮一綸高歌更南去烟水是通津

### 秋夕宴李侍御宅

宋本闕

公子徵詞客秋空遞玉杯月高羅幕卷風度錦屏開鳳管添黃品鵲促柱哀轉喉雲旋合垂手露徐來  
燭換三條燼香銷十炷灰蛩聲聞鼓歇螢燄觸簾回廣檻烟分柳空庭露積苔解醒須滿酌應為撥新醅

晨自竹徑至龍興寺崇隱上人院

宋本闕

佛寺通南徑僧堂倚北坡藤陰迷晚竹苔滑仰晴莎病憶春前別閑宜雨後過石橫聞水遠林缺見山多  
欲結三天社初降十地魔毒龍來有窟靈鶴去無窠客路隨萍梗鄉園失薜蘿禪心如可學不藉魯陽戈

歲暮自廣江至新興往復中題峽山寺四首

夜醉晨方醒孤吟恐失羣海鰭潮上見江鵠露中聞未臘梅先實經一作終冬草自薰樹隨山崦合泉到石

稜分虎跡空林雨猿聲絕鎖雲蕭蕭異鄉鬢明日共絲芬出左傳治絲而芬之注亂也

薄暮緣西峽停橈一訪僧鷺巢橫卧柳猿飲倒垂藤水曲巖千疊雲重樹百層山風寒殿磬溪雨夜船燈

灘漲危槎沒泉衝怪石崩中臺一襟淚歲抄別良朋

密樹分蒼壁長溪抱碧岑一作海山風聞鶴遠潭日見魚深松蓋環清韻榕根架綠陰南方大葉榕樹枝危者輒生根垂入地如

大洞丁多斲石蠻女半淘金端州斲石塗泥縣淘金為業南浦鶯春至西樓送月沉江流不過嶺何處寄歸心

月在行人起千峯復萬峯海虛爭翡翠溪邈闢芙蓉南方呼市為虛呼成爲邈新州有翡翠虛芙蓉邈也古木高生榭陰池滿種松

木榭花生于他樹榭枿火探深洞燕香送遠潭龍南方持火于乳洞中取燕而食康州悅城縣有溫姬龍池沼多松謂之水松也即蛇也隨水往舟船至人家或千里外皆以香酒葉送

之藍塢寒先燒禾堂晚併春種藍多在塢中先燒其地人以木槽為春禾謂之春堂更投何處宿西峽隔雲鐘

南海使院對菊懷丁卯別墅

宋本闕

何處曾移菊溪橋鶴嶺東籬疎還有豔園小亦無叢日晚秋烟裏星繁曉露中影搖金澗水香染玉潭風  
罷酒慙陶令題詩答謝公朝來數花發身在尉佗宮

和李相國

并序

蒙賓客李相國見示和宣武盧僕射以吏部高尚書自江南赴闕貺大梨白鵬因贈五言六韻攀和

巨實珍吳果馴雛重越禽摘來魚浦上搗在兔園陰霜合凝丹頰風披斂素襟刀分瓊液散龍蔽雪華  
花深虎帳齋中設龍樓洛下吟含消兼受彩應貴冢卿心

陪少師李相國崔賓客宴居守狄僕射池亭

池色似瀟

一作擬三

湘仙舟日正長燕飛驚蛟蜃魚戲

一作躍

動鴛鴦雲聚

一作定

歌初轉風回舞欲翔暖醅松葉

嫩寒粥杏花香羅綺留春色笙芋送晚光何須明月夜

一作下

紅燭在華堂

泛五雲溪

比溪何處路遙問白髯翁佛廟千巖裏人家一島中魚傾荷葉露蟬噪柳林  
釣筒石苔繁棹綠山果拂舟紅更就前溪宿村橋與剡通

王居士

筇杖倚柴關都城賣卜還雨中耕白水雲外劖青山有藥身長健無機性自閑即應生羽翼華表在人間

早秋三首

遙夜泛清瑟西風生翠蘿殘螢委玉露早雁拂金河高樹曉還密遠山晴更多淮南一葉下自覺老烟波

一葉下前墀淮南人已悲踈跼青漢望迢遞白雲期老信相如渴貧憂曼倩飢生公與園吏何處是吾師  
薊北鴈猶遠淮南人已悲殘桃閒墮井新菊亦侵籬書劍豈相誤琴樽聊自持西齋風雨夜更有詠貧詩  
洛東蘭若夜歸

一衲老禪床吾生半異鄉管絃愁裏老書劍夢中忙鳥急山初暝蟬稀樹正涼又歸何處去塵路月蒼蒼  
送段覺歸杜曲閑居

書劍南歸去山扉別幾年苔侵巖下路果落洞中泉紅葉高齋雨青蘿曲檻烟寧知遠游客羸馬太行前  
寄天鄉宋本作香寺中儀上人富春孫處士

詩僧與釣翁千里兩情通雲帶鴈門雪水連魚浦風心期榮辱外名掛是非中歲晚亦歸去田園清洛東  
寄契盈上人

何處是西林疎鐘復遠砧鴈來秋水闊鴉盡夕陽沉婚嫁乖前志功名異夙心湯師不可問江上碧雲深  
晨起二首

桂樹綠層層風微烟露凝蒼楹街落月悵曉耿殘燈蘄蘄曙香冷越瓶秋水澄心閑即無事何異住山僧  
殘月皓煙露掩門深竹齋水蟲鳴曲檻山鳥下空階清鏡曉看髮素琴秋寄懷因知北窗客日與世情乖  
曉發鄞江北渡寄崔韓二先輩

南北信多歧生涯半別離地窮山盡處江泛水寒時露曉兼葭重霜晴橘柚垂無勞促回轍千里有心期  
盈上人

月沉霜已凝無夢竟寒燈寄世何殊客修身未到僧二毛梳上雪雙淚枕前冰借問曹溪路山多樹幾層  
廣陵道中

城勢已坡陀城邊東逝波綠桑非苑樹青草是宮莎山暝牛羊少水寒鳬雁多因高一回首還詠黍離歌  
宿開元寺樓

誰家歌裊裊孤枕在西樓竹色寒青簟松香染翠幬月移珠殿曉風遞玉箏秋日出應移棹三湘萬里愁  
洞靈觀冬青

霜霰不凋色兩株交石壇未秋紅實淺經夏綠陰寒露重蟬鳴急風多鳥宿難何如西禁柳晴舞玉闌干  
友人自荊襄歸江東

新喪其偶

商洛轉江濱一杯聊送君劍愁龍失伴琴怨鶴離羣楚驛枕秋水湘帆凌暮雲猿聲斷腸處應向雨中聞  
送同年崔先輩

西風帆勢輕南浦遍離情菊豔含秋水荷花遞雨聲扣舷灘鳥沒移棹草蟲鳴更憶前年別槐花滿鳳城  
山鷄

此詩見宋本元本集中關雎目錄內在孤鴈詩前故從之

珍禽暫不扁飛舞躍前庭翠網摧金距雕籠減繡翎月圓疑望鏡花暖似依屏何必舊巢去山山芳草青  
孤鴈

昔年雙頰頰池上霽春暉霄漢刀猶怯稻梁心已違蘆洲寒獨宿榆塞夜孤飛不及營巢燕西風相逐歸

寓懷

南國浣紗伴盈盈天下妹盤金明綉帶動珮響羅襦素手怨瑤瑟清心悲玉壺春華坐銷落未忍淒靡蕪  
洛中游眺貽同志

康衢一望通河洛正天中樓勢排高鳳橋形架斷虹遠山晴帶雪寒水晚多風幾日還攜手鳥鳴花滿宮  
夏日戲題郭別駕東堂

微風起畫鸞金翠暗珊珊晚樹垂朱實春暈露粉竿散香蘄簟滑沉水越瓶寒猶恐何郎熱冰生白玉盤  
長安旅夜

久客怨長夜西風吹鴈聲雲移河漢淺月泛露華清掩瑟獨凝思緩歌空寄情門前有歸路迢遞洛陽城  
鷓鴣

池寒柳復凋獨宿夜迢迢雨頂冠應冷風毛劒欲飄故巢迷碧水舊侶越丹青不是無歸處心高多寂寥  
懿安皇太后挽歌詞

陵前春不盡陵下夜何窮未信金蠶老先驚玉燕空挽移蘭殿月如引栢城風自此隨龍馭喬山翠靄中  
示弟

自爾出門去淚痕長滿衣家貧爲客早路遠得書稀文字何人賞煙波幾日歸秋風正搖落孤鴈又南飛  
送湯處士反初卜居曲江

雁門歸去遠垂老脫袈裟蕭寺休爲客曹溪便寄家綠琪千歲樹黃槿四時花別怨應無限門前桂水斜

發靈溪一作館

山多水不窮一葉似漁翁  
鳥浴寒潭雨猿吟暮嶺風  
雜英垂錦繡衆籟合絲桐  
應有曹谿路千巖萬壑中

題杜居士

松偃石床平何人識姓名  
溪水寒棹響巖雪夜窗明  
機盡心猿伏神閑意馬行  
應知此來客身世兩無情

神女祠

停車祠聖女涼葉下陰風  
龍氣石床濕鳥聲山廟空  
長眉留桂綠丹臉寄蓮紅  
莫學陽臺婦朝雲暮雨中

送李定言南遊

酒酣輕別恨酒醒復離憂  
遠水應移棹高峯更上樓  
草涼清露夜琴響碧秋天  
重惜芳樽宴滿城無舊游

早發中巖寺別契直上人

蒼蒼松桂陰殘月半西岑  
素壁寒燈暗紅爐夜火深  
厨開山鼠散鐘盡猿吟夜  
行方如比逢師懶話心

行次潼關題驛後軒

飛閣極層臺終童此路回  
山形朝闕去河勢抱關來  
鴈過秋風急蟬鳴宿靄開  
平生無限意驅馬任塵埃

晨起

宋本  
作至

南亭呈裴明府

南齋夢釣竿晨起月猶殘  
露重螢依草風高蝶委蘭  
池光秋鏡澈山色曉屏寒  
更戀陶彭澤無心議去官

灞東題司馬郊園

楚翁秦塞住昔事李輕車  
白社貧思橘青門老種瓜  
讀書三徑草沽酒一籬花  
更欲尋芝术商山便寄家

游維山新興寺宿石屏村謝叟家